



आयदा 14

इसारायाव गोरोबलायनाय

भारता दोरोडारि मोसानायफोरनि मोनसे दोहोनि टेपेस्ट्रीनि थाखाय गोग्गाथाव, जाय हादरनि मोनफ्रोमबो बायदि रोखोमनि हारिमुवारि उनमोन्थाइयाव गोथौथि रोदा दं। बेफोर मोसानायफोरा फावनिल' फोरमायथि नडा, सल', गोसोनि मोन्दांथि आरो दोहोरोमारि सानथौफोरखौबो फोरमायो।

मोनसे दोरोडारि मोसानाया शास्त्रीय मोसानाय एबा सुबुं मोसानाय जानो हागौ। जोंनि हारिमुवाव बायदि रोखोमनि मोसानाया गुबुन-गुबुन रोखोमनि मुजिहाबनाय गोसारहोयो जाय जुनिया आखुथाय गोनां।

जोंहा गोबां रोखोमनि दामजुफोर, गुनफोर, गान्नाय-जोमनायफोर, रावफोर आरो हारिमुवारि फोथायनायफोर दं जाय बायदि रोखोमनि सुबुंनि हान्जाफोरजों दिन्थिफुंजायो। बेबादि दोरोडारि मोसानायफोरा जोंनि हादरखौ जौगाहोयो आरो समाजारि आरो बोसोनारि सैथोथिखौ गोखों खालामो।

दानिया, जोंनि मोसानायनि दोहोनि हारिमुवारि उनमोन्थाइखौ संरैखा खालामनाय आरो रैखाथि होनाया नोंनि मावनांगौ बिबान।



0680CH14

मावफारि 1: जोंनि दोरोडारि मोसानाय

गावनि ओनसोलनि जायखिजाया दोरोडारि मोसानाय आरो बेजों सोमोन्दो गोनां मेथाइखौ सायख'।

गावनि ओनसोलाव बाहायजानाय दामजुफोरनि खबामजों मोनसे मोसानाय।



बिहू



गुजरातनि सिद्दी धमाल मोसानाय

बिदिन्धि 1: आसामनि बिहुआव ढल मुंनि रोखोमसे दामजु आरो पेपा मुंनि मैसोनि गंजों बानायनाय बार सुनानै दामग्रा रोखोमसे जुनिया दामजु बाहायो।

बिदिन्धि 2: सिद्दी धमाल मोसानाया गुजरातनि। बेखौ दिन्धिफुंनाय समाव दामजु महुरै गिदिर ढलफोरखौ बाहायो।

मा नों दिन्धिफुंनो साखाफारा नामा? दान्दिसे समनि थाखाय नेथ'। नों गावनि मोसानायाव मा हेफाजाबारि मुवाफोर (जेरै दो-दोख्ला, लावथि, आस्थाम ...) बाहायगोन बेनि सायाव सावरायदों नामा?

बबेबा मोनसे थि मोसानायाव बाहायजानाय गाननाय जोमनायफोरनि बागै नोंथांनाव सान्दांथि दं नामा जायखौ नों दिन्धिफुंनो थांगासिनो दं?

भारतनि गासैबो मोसानायफोराव जोंनि हारिमुवारि उनमोन्थाइनि गुदि रोदा दं। मोसानाया फाव, खबाम, देंखोफोरखौल' लाफाया, बबेखानि बेवहाय गाननाय-जोमनाय, हेफाजाबारि मुवाफोर, देलायनाय आरो जौसांनि साजायनायबो थाफायो।

मावफारि 2: मोसानायनि गहेनाफोर आरो हेफाजाबारि मुवाफोर बानायनाय

मोसानायनि थाखाय गोनां जानाय गाननाय-जोमनायफोरनि बागै गाव-गावनि हान्जाफोरजों सावराय। कार्डबर्ड, गाबगोनां लेखा बिलाइ, साजायग्रा फिता बायदि बायदिफोरखौ बाहायनानै बेफोरखौ गावनो बानायनो नाजा।

बिदिन्धि: मोसानाय गहेनाफोर जेरै गोदोनानि हार, खर' गानग्रा गहेना, हनुमान मोखांनि मुखा आरो रानीनि मुकुट।



खेरा



गोदोनानि हार



खर' आव गारग्रा



घुंघरु

मावफारि 3: सायख'नाय गहेना एबा हेफाजाबारि
मुवाफोरनि सावगारि आखि



© NCERT
not to be republished

लेखा बिलाइ, कार्डबर्ड, सि बायदि बायदिफोर बाहायनानै बेफोरखौ बानायनो नाजा ।



जेजों मोसानाय

मोनसे हाबाफारिनि थाखाय
जिरायनानै थानाय देंखोगिरिफोर

मावफारि 4: दिन्धिफुंनय जायगानि गियान

गाहायाव होनाय बाश्राफोरखौ थाखोआव सावराय:

- दिन्धिफुंनयाव जेबो गोनो गोथो जानो नाडैबादि गोनांथि जानाय हेफाजाबारि मुवाफोरखौ जौसाडाव दोननाय।
- जायफोर गाननाय-जोमनाया मोसानो थाखाय आरामथि गोनां (आखाइ आरो आथिं दैखानाय, बारनाय, गिदिनाय बायदि बायदिफोर) बेफोरखौ बानायनाय।
- जौसांनि फारनैथिंजायनिफ्राय हाबलानाय आरो ओंखारलानाय। (नायजाबनि आयदायाव जौसांनि दाथायखौ नाय।)

गुबुन-गुबुन मोसानाय महरफोराव गुबुन-गुबुन रोखोमनि हेफाजाबारि मुवाफोर आरो जौसां साजायनायफोर थायो। मिजिंथियो मोसानायनि मोनफ्रोमबो गुदिमुवाफोरनि सोमोन्दै बयबो रोखायै मिथिबाय।

दासिम, नों फिसा-फिसा हान्जाफोराव खामानि मावबोदोंमोन। सिगांथिं थांब्ला, नों थाखोनि गासैबो सोद्रोमाफोरखौ लाफानानै मोनसे जथाय हान्जा मह्रै खामानि मावगोन। दानिया, नों मोनसे गोदान बिथिं संदाननो थांगासिनो दं!

मोसानाय फावथिना (नाट्य)

जों 'मोसानाय' सोदोबखौल' नडा बबेखानि 'फावथिना' सोदोबखौबो मिथियो।

जुदि जों मोसानाय आरो फावथिना मोन्नैखौबो जयै खालामोब्ला बेयो खामानि जागोन नामा?

मोसानाय फावथिना एबा नाट्यआ सोरजिलुवारि फोरमायथिनि मोनसे महर जेराव बाहागो लागिरिफोरा दोंसे सल' खिन्थानो एबा मोनसे खौरां फोरमायनो थाखाय मोनसे राहा मह्रै आगान हरनायनि आदब, देहा आरो आखाइनि गुदि फाव (हस्तमुद्रा)फोरखौ बाहायनानै मेथाइ आरो देंखोआव फाव खालामनायनि गेजेरजों मोसायो।



मोसानाय फावथिनाया गोनाथि होयो -
दिन्धिफुंगिरिफोरनि गेजेराव गावजों गाव गोरोबलायनाय,
फोरमायथि आरो हेफाजाब होलायनाय ।

गोरोबलायनाय



फोरमायथि



दिन्धिफुंगिरिफोरनि गेजेराव हेफाजाब होलायनाय



मोसानाय फावथिनाया फाव आरो फाव खालामनायनि
आरिमुनि गेजेरजों मोनसे रोखोमनि बेखेवथि लाबोनानै होफैयो ।
मोसानाय फावथिनाफोरा बायदि रोखोमनि आयदाफोर,
हारिमुफोर एबा जारिमिनारि जाथायफोरजों थुलुंगा होजानाय
जानो हागौ, जाय आरिमुवारि नायबिजिरसंनायनि थाखाय
मोनसे दोहोनि आरो बायदि रोखोमनि जौसां जगायो ।

मावफारि 5: मिथिंगायारि सल' फोरमायनाय

मिथिंगा एबा आबहावा, एबा उदांसि मावफारिजों सोमोन्दो गोनां दोसे सल'खौ नागिर आरो सावराय, जाय समाजनो मोनसे बोसोन खान्थियारि बेसेनखौ होयो।

बिदिन्थिफोर

बेफोरजों सोमोन्दो गोनां सल'फोर-

- प्लास्टिक बाहायनायखौ नागारनाय।
- दै फुंखाफोरखौ रैखा खालामनाय।
- बांद्राय मबाइल बाहायनाय।
- जिबारि आबाद मावनाय।
- सोलौंथाइयाव समानथि।

सुंद' फोरमायथि: इंराजि एबा जायखिजाया गुबुन रावनि फराबिजाबनिफ्राय दोसे सल'खौ सायख'।

थाखोआव दोसे आरजाथाव सल'खौ सायख' आरो रानलाय जायखौ नों गावनि सोरगिदिं थानाय थासारि आरो ओनसोलजों सोमोन्दो खालामनो हायो।

स्क्रिष्टआ रोखोमसे लिरनाय खाखि जेराव मोसानाय फावथिना दिन्थिनाय एबा दिन्थिफुंनायनि थाखाय रायज्जायनाय, मेथाइ, एक्सन आरो दिथाहोनाय थायो। मोसानायाव, रायज्जायनाया बांसिनै आखाइनि गुदि फाव (हस्तमुद्रा)फोरनि गेजेरजों जायो, बबेखानि सोदोबफोरखौबो बाहायनो हायो।

सान...

सावराय...

लिर...

दोसे सायख'जानाय सल' एबा खन्थाइनि थाखाय, दोसे स्क्रिष्ट लिरनो नाजा आरो दोसे नाट्य सोरजिनो थाखाय गावजों गाव सान्दांथिफोरखौ रानलाय।

स्क्रिष्ट लिरनायाव, रायज्जायनायफोरजों लोगोसे आखाइनि गुदि फावफोर (हस्तमुद्राफोर), आखुथाइफोर, गाननाय जोमनायफोर, हेफाजाबारि मुवाफोर आरो जौसांनि गोनांथिफोरनि बागै सान।

बे मावफारियाव, नों सल'नि गासैबो आखुथाइफोरखौ जिउ मोनहोनो नाजा।

नाट्य दिन्थिफुंनायनि थाखाय आखाइनि गुदि फावफोर, आखाइ आरो देहानि फावफोरखौ सर' खालाम।

खन्थाइ आरो सर' खालामनायाव खबाम, आगान हरनायनि आदब, फाव, आखाइनि गुदि फाव, आव-फावफोरनि गुदिमुवाफोरखौ जथाय।

बेनि अनगायैबो, bol एबा collukettus (बिदिन्थि महरै, था का धी मि) आरो सरगमफोर (गोबां समावनो देखो थाखोआव सोलोंनाय जायो) खौ बाहायनानै खबामारि दाथाइजों मोसानायखौ सिनायथि हो जाय नाट्यआव सोफादेर जायो।

मोखानि मोन्दांथिफोरखौ सर' खालाम जाय नाट्यआव मोनसे गाहाइ गुदिमुवा। नों गासिबो गावनि फावनि मोनसे खान्थि गोनां फिथाइनि थाखाय गावजों गाव खामानि मावनांगोन।



मावफारि 6: करिय'ग्राफि आरो नाट्य दिन्धिफुंनाय

ज' जा आरो दोंसे नाट्य करिय'ग्राफि खालाम जेराव मोनसे हानजा महुरै खामानि मावनायनि गेजेरजों रायज्जायनाय, खबामारि देंखो, मोसानायनि देहेग आरो फावफोर थायो ।



करिय'ग्राफिनि बे थाखोआव, जों हेफाजाबारि मुवा, गाननाय जोमनाय, गहेना, जौसां साजायनाय आरो बायदि बायदिनि सायाव नोजोर लाखिनांगौ ।

दिन्धिफुंनाय समनि सिगांनिफ्रायनो हेफाजाबारि मुवाफोरजों सर' खालाम जाहाथे नों बेफोरखौ आरामै सामलायनो हायो ।

करिय'ग्राफिखौ खनसे खालामखांनायनि उनाव, बेयो सर' खालामनायनि सम ।

सर' खालाम! सर' खालाम! सर' खालाम!

जाफुंसारनायनि गुदि मोन्थोरानो जादों सर' खालामनाय...

नाट्य सर' खालामनायनि उनाव, दानिया जौसाडाव थालिम होनायनि सम जाबाय ।

जोबोर मोजां!

गावनि थाखो एबा नायगिरिफोरनि सिगाडाव गावनि नोंखौ नाइजाब (नाट्य)खौ दिन्धि ।